

# MAMAKƏR AŇA WAKITÀ UWANA YUHANA ATSETSÈR Troisième Lettre de Jean

## *Ayyi*

<sup>1</sup> Gi masiga, gətsetser à kak Gayyus. Kak slawda gulo, uwana gəwoya kak kaykay.

<sup>2</sup> Slawda gay ləv gulo, asa à gi kà dèwdèw tatak ada à vok lela la slaka aŇak. Ngaha kà kak aŇa magay wurwur, ngaha madiŇal gəl à vok aŇak maŇazila koksikoksi.

<sup>3</sup> Mok uwana azladede tasà à waŇ à slaka gulo kà, tapèh à gi dziriga aŇak gesina, bokuba magoday, kà kanèfàh dziriga la lela kà made-golay uwaga à uwana, ləv gulo arəb kaykay.

<sup>4</sup> Mok uwana gətsənəŇ kà azlabəza gulo kà taday la dziriga la abà kà, ləv gulo arəb. Tatak anik la ahəŇ azigəŇ marabay gulo kiya uwaga aw.

## *Gayyus kà dziriga*

<sup>5</sup> Slawda gulo, gəwoya ka kà kaykay, kadah sləray lela gesina kà aŇa azladede gami, amiyaka kà aŇa azlaməlok gə bay.

<sup>6</sup> La dazuwaya, azladza uwaga tapèh la huma à azlaməna madiŇal gəl à vok à mawoy atà aŇak. Lagonay: Kamkam zlakà atà kà mad à huma à gay, kà tsəhay mauguzahay aŇatà, uwaga aŇa magay makəs vok gə à Zəzagəla.

<sup>7</sup> Azladza uwaga taday zlà, asa à atà mapøhla Suføl Yesu Kristu ala. Ama asà à atà mazlak atà aña azladza uwana tasøl Zəzagəla aw aw.

<sup>8</sup> Uwaga kà sləray gami, anu azlaməna gay Zəzagəla, say məkəs mazlak à tsəhay azladza uwaga gesina, kà madàh sləray la slaka gà, kà maz gay dziriga la slaka gà.

### *Diyotəref atà la Demetəriyus*

<sup>9</sup> Gətsetser bəzi wakità à azlaməna madiṇal gəl à vok, ama Diyotəref atsəb sləm à mapəhay gulo aw, asal magay suføl lakəl aña azlaməna madiṇal gəl à vok uwaga.

<sup>10</sup> Gay gà la uwaga, gədàpəhay la paraka azlatatak mawisiga gesina uwana adəhàṇ à azladedə gami à vok, à mok uwana gədàgay la tataka aṅkul la abà. Masla apəh à anu azlagay maksafər à vok, azlafida gesina uwana apəhay lakəl gami. Ama bə uwaga pəra aw. Kaykay aya kà, akəs azladedə gami uwana tadà à awtày aw, ṅgaha adəd gay à azladza à ahəṇ, kà makas atà aya, la tataka azlaməna gay Zəzagəla la abà, ṅgaha akàs atà à uda la gày Zəzagəla la abà.

<sup>11</sup> Slawda gulo, gəwoya ka kaykay, kamkam, kanəfa tetəvi uwaga aw, ama dəhàṇ kà uwana delga, akəsa vok pəra. Dza uwana adəh uwana delga kà, masla kà dza aña Zəzagəla. Ama dza uwana adəh azlatatak mawisiga kà, adanəṇ Zəzagəla dikiḍiki aw.

<sup>12</sup> Azladedə gesina tapəhay lakəl aña sləray delga aña Demetərius, ṅgaha uwana tapəhay kà dziriga. Anu babay kà, məpəhay kà lakəl aña

azlatatak delga babay. Kak, Gayyus, kasəl uwana məpəhay kà uwaga dziriga gesina pəra.

*Ayyi makəf gəl à ahəŋ*

<sup>13</sup> Gay aga la gi lakəl aŋuvaw, kà aŋa mapəh à ka, ama asa à gi aŋa matsetser à ka matsetseray aw.

<sup>14</sup> Nekwa gədà à awtày kà mabədfma la slaka gə lakəl aŋha, kà anu aŋa mapəh vok à adi la yewdi la yewdi.

<sup>15</sup> Zəzagəla avà à ka lapiya. Azlaslawda aŋak uwana la abanay kà: ‘Ayyi’, tagoƒ à ka babay. ‘Ayyi’, gòƒ à azlaslawda la tekula tekula gesina.

**Wakità Zəzagəla Wakitə Anja Makəs Vok  
Slawda Mawga (Cameroun)  
Matal: Wakitə Zəzagəla Wakitə Anja Makəs Vok  
Slawda Mawga (Cameroun) (New Testament)**

copyright © 2019 Wycliffe Bible Translators, Inc.

Language: (Matal)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 28 Dec 2024 from source  
files dated 29 Jan 2022

03efbf2f-98ca-5534-8610-0be3a8c4b974